



Universitätsbibliothek Paderborn

**Trismegistus Doctrinæ Christianæ Tertio Continuatus,
Seu Brevis Expositio Sciendorum De Ultima Voluntate
Hominis Christiani In Spiritualibus, Atque Temporalibus,
Methodo Morali-Theologica concinnata, ...**

Mayr, Cherubinus

Salisburgi, [ca. 1735]

§. III. Actus Præparationis ad Sacramentum Pœnitentiæ.

urn:nbn:de:hbz:466:1-42295

eturus adveniret, ille vires omnes, quas potest, opponit, & caput in omnem partem ventilat, satis ostendens animum suum contrarium. Quid de hac unctione sentiendum?

RESOLUTIO.

Sentio, quod ista unctione fuerit invalida, & sine effectu; quia juxta omnes ad validam Sacramentorum susceptionem ex parte adulti requiritur voluntas habitualis, ad minus implicita, & interpretativa; sed Hesichius hic & nunc non habuit talem voluntatem, sed contrariam non recipiendi hoc Sacramentum, quantum ab externis dijudicari potuit. Nec juvat, quod haec resistentia orta fuerit ex falsa persuasione, nullum subesse mortis periculum; nam ex hoc nihil aliud sequitur, quam quod praeter illam efficacem nolitionem hic & nunc recipiendi Sacramentum, habuerit etiam ineffacem, & conditionatam voluntatem recipiendi, si adesset periculum, quae tamen in concursu prioris nolitionis efficacis videtur insufficiens.

§. III.

Actus Preparationis ad Sacramentum Pœnitentiæ.

O DEUS meus! quantum recessi à te summo bono, ultimo omnium creaturarum fine!
quan-

quantum contra te abusus fui potius, mihi à Bonitate tua ad te DÉUM meum cognoscendum, amandum, & fruendum, concessis! Peccavi, & peccavi nimis coram te, indignus, qui recipiar in tuam gratiam. Sed quia non vis mortem peccatoris, sed magis ut convertatur, & vivat, hinc inter angustias, & timores mortis constitutus, redeo ad te fontem omnium gratiarum, & secundam post naufragium tabulam, salutiferum scilicet pœnitentiae Sacramentum apprehendo, sperans per illud virtute sanctissimæ Passionis, & infinitæ satisfactionis D.N. J. C. omnium peccatorum meorum veniam, & remissionem recipere, & in gratiam adoptionis filiorum DEI redintegrari. Doleo, te summum Bonum offendisse, & propono firmiter ex hac hora te amplius non offendere. Adjuva me, Domine, tuâ Divinâ gratiâ, quia nihil ex me, sed omnia possum in eo, qui me confortat.

Ad SS. Evcharistiae Sacramentum.

Domine, quomodo tu venis ad me, qui vacuus sum omni virtutum apparatu? Certè ad tantum Hospitem excipiendum Angelica exigeretur puritas; ego autem me plenum maculis, & vitiorum sentibus obsitum invenio. Sed en! inops ego sum, & pauper, impos, & ineptus, ut dignam tibi domum præparem. Præveni me tuâ Divinâ misericordiâ, & imple me virtutibus, quibus dignè te recipiam. Da mîhi fidem, spem, & cœ-

charitatem. quibus tibi, fini meo ultimo, soli, & unicè adhæream; da mihi religionem, quā te unum DEUM colam, & adorem; da mihi humilitatem, quā me in abyssum mei nihil totum abjicam; da mibi promptam ad omnia pro te, & amore tui agenda, & patienda voluntatem, ut in omnibus te quæram, & inveniam. Domine, tu es solus virtutum omnium complementum; da mihi te ipsum, & nihil mihi deerit: in loco passuæ ibi me collocabis.

Ad Extremæ Unctionis Sacramen- tum.

113 **H**abeo nunc te, ô Amor meus! possideo te, ô summum Bonum meum! sed velata adhuc facie, scilicet sub candidis speciebus panis. Jam etiam revelata facie videre te cupio; sed qui fiet hoc, qui necdum ab omnibus peccatorum remoris sum expeditus? Domine, in hunc finem instituisti saluberrimum Extremæ Unctionis Sacramentum; unge igitur me tuâ Divinâ gratiâ, nam & tu unctus es per naturam: unge me, & hac salvifica unctione dele omnes adhuc residuas iniquitates meas, ut nihil amplius impedire possit, vel retardare unionem tecum habendam in beata æternitate. Sic psallam tibi in vita mea; sic psallam tibi, quamdiu fuero; spiritus enim Domini super me, eò quod unxerit Dominus me. Isa. 61.

DI-